

OMUKWETU

Registered at the General Post Office as a Newspaper

15c

Caprivi a talelwa po ku ELOK



Omusita Gerson Max ngoka a kala meyakulo lyaaniilonga mehalakano omimvo dhi vule 10.

Omufita wovanailonga mehalakano, Max, ta hokolola.

Onghuwo yovanailonga ova kwa ELOK, oya udika mokati kovanailonga vakwao mOshivanda (Grootfontein), eshi omushingili wehangano la LTA, e i fikifa.

Omushingili ou, omushamane Salomon Amagola, okwa tumbula ovanailonga va pumbwa ekwafo ve li muAndara noku- tauluka omulonga waKavango, mBufalo nomeekamba dikwao yo fiyo Caprivi.

Eti 29.9.1982, onda konga omhito ndi ka

talele po ovanailonga ovo. Opermeta oya li i na okuyandjwa ko "Control Permit Sector 20", moRundu, nonde i pewa.

Osho nda kufa oshinano sheekilometa 200, okudja poRundu fiyo Divundu, Bagani. Apa ongaba yaBotswana ota i ya popepi. Okwa li u na okupitila moilongu;

Sambyu, Mbogedo naMbukushu. MO- mbukushu otwa hanga ovanailonga Ova- wambo 50 tava tungu ofikola puAndara. Ova ongala nawa peendjovo daKalunga.

Oshitukulwa eshi shoushilo waKavango, osha kala shOvakatolika, ndele paife oilyo ya ELOK oye lihanena mo fiyo okongaba yaBotswana.

Omukunda ngashi Omahangu, opo pe na ofitola yomwevangeliste Moses Matjai, ou ita longo vali. Apa otapa wapalele o- ndinga ya ELOK. Ope na yo omhito oshi- taingeleki shaKavango shi yakule penya.

Mokutauluka omulonga waKwandu, ope na okamba inene yovanailonga, oilyo ya ELOK i li mo 80.

Ounona vane ova shashwa. Ovaongali o- kwa li ve fike 47. Omayakulo Ouvalelo Uyapuki okwa ningwa. Oshinano eshi o- shi na eekilometa 160 okufika muKatima- Mulilo.

Mokamba yomuKatima, omu na ovailo- nga 50 na 35 vomuvo okwa li va ongala pOndjovo yomwenyo. 6 va yakulwa mOu- valelo Uyapuki, 3 va shashwa na 4 va kolekwa.

Tala kep. 8

Ombelewa yomayelithilo mu ELOK

Elelongeleki lya ELOK 24-25.7.1982, mosni-tokoiitho shalyo oshiti 226, olya dhike ombelelwa yomayelithilo nomanyanyangidho mOngeleki, yi longe molwaamba lwombelewa yOmukwetu.

Omusita Matti Amadhila oye a langekwa mo omathimbo gamwe. Ihe omasiku ugendji okwa pewa umpwiyu a yakule miilonga yilwe ngaashi muulongi kosikola yokombanda yaShigambo.

Numvo Elelongeleki olya langeke omusita Matti miilonga yuhamushanga womumbisofi nomusita Petrus Shipena mombelewa ndjika okutameka Kotoba 1.

Ompumbwe yombelewa ndjika oya dhimbululwa, oshoka ehanganano kehe newiliko kehe olya pumbwa omatseyitho nomaueyelele taga zi kiitayilonga yi ili noyi ili meni lyalyo nopondje wo. Osho wo itayilonga ya pumbwa shoka tashi zi mombelewa onene.

- Okukwatathana nokutopolelathana oowino niiholelwa tayi tungu. Osho wo okulongathana nokutsaathana omukumo.
- Oshilyo kehe sha ELOK shi tseye ehumokomeho nomaunyengwi, omanyanyu noma-luhodhi mOngeleki yasho, sho shi vule okwiitula mo miilonga yokukandula po omikundu ndhoka dhi li po.

Mpoka pu thike owino wokutseya sha kombinga yayakwetu, opo wo pu thike ohole yetu yoku ya hola notatu vulu ihe oku ya dhimbulukwa noku ya kwatha. Shika osho wo tashi ningwa kombinga yawo.


- Ekwatathano pokati komagongalo nombelewa yoshitayi shoka, osho wo pokati kiitayingeleki niitayingeleki sigo onombelewa yOngeleki, li kolekwe shili.
- Ekwatathano ewanawa li kolekwe natango wo pokati kOngeleki nOngeleki muuyuni nokomahanganano haga pewa nohaga gandja.

Oshidhigu komagongalo nokOngeleki kehe tayi longo miilyo ya halakana, okuthikitha omatseyitho kuyo pethimbo. Ihe onkambadhala kehe tayi vulika, oyi shi okuningwa okukaleka olutu lwa-Kristus ngeyi muukumwe.

Oshifo shOmukwetu mokuleshwa koombinga noombinga, ekwatho limwe wo ewanawa okuthikitha omatseyitho ngoka ga gongelwa koombinga noombinga, ga tseyike wo palwe.

Ombelewa ndjika oya dhikwa ano nelalakano ndika yi kale ongodhi yokumangela kumwe iliyu ya ELOK. Opo yi adhe elalakano lyayo pinga ano ekwatathano nayo.

Petrus Shipena



OVE UILE KENANGALO KOSHINYANYANGIDO

Ovakavango va kongoloka
Momufitu va yada mo Omundaungilo
Eshi va li tava te Eenhana
Eenhana nado oda tova
Da fi ya ko ooina yado
Da li de ya kenangalo letu,
Eli letu lOshinyanyangido.

Eenhana ode shi uda
Ombaxu nokavava filu penya
Eshi de uya okunwa mOndobe
Okatope oka topelela Engela
Edundja la ka pita mOhaingu
Woo Oupumako wa pumako Onhelelwa
ndee Okalongo kanini ova etelela.

Ovalupandu ova li ve shi Ewaneno
Onhele ei iwa shito
Va hanga Ongenga ya ngungulila kEndola
I tale tuu ngenge ongwe otai nu mEdiva
Okahao oka pitula Onaanda
Omanga Elim e li Eengolo
pOmukulambo wOlupumbu.

Oniimwandi Ovagongo va ingida
Etilyasa nOluteyi va itavela
mEendobe omo hamu nu Eemhundja
Okando nOnawa navo omokashoko ve li
Ovatsandi Oshilemba va pitilila
Onandjokwe nOniipa oi li omutima woshilongo.

Olukonda nEheke, Okaku, nEloolo
Ova ingida kEpembe, Okankolo nOtananga ova
etelela Omuntele
Oshigambo nOshaango okOnguta va pitila
Ova hanga Othika i li ofika kOtamanzi
Omanga Onangalo ya ka tala Ovanankali.

Paife otu li mehafo letu lOshinyanyangido
Omitima oda yela, eemwenyo da shambukwa
Twa li twa mona olxuna yomambo tuhe a kwete
Omishangwa da xupipala
Paife otu li mEloolo laHamutwe waKafidi
Pamba na pewe epandulo.

Ku Atty L. P. Haininga

ETHIMBO NDIKA

Oyendji oye shi koneka kutya ethimbo tu li mulyo olyomahongololo nedhigu.

Mokulongela Kalunga oyendji otaa ende noondjila mbali. Ihe shoka sha yela osho shoka kutya ehulilo lyonkalamwenyo otali ka landula ondjila yimwe ayike.

Poondjila adhihe mbali yimwe yehupitho nomwenyo, nonkwawo oyekano neso. Okweenda moondjila mbali, itaku vulika, nando yamwe twa ti osho ye li.

Petameko otaa zi po ngaa ya fa taa yi nadho nawa adhihe mbali, ihe nziya onkalamwenyo yawo otayi egamene kuyimwe.

Natu kale twa londodhwa twaa kambadhale okweenda noondjila mbali, oshoka itatu dhi thikitha kethikilo adhihe.

Yamwe oya hogolola okweenda naandjoka tayi fala mekano lyaaluhe nomomulilo gwoheli, moka sata na ondeveli ta ka kala naalanduli ye.

Ondjila ndjika oyuudha iihongololi. Oyi na oshindji shoka tashi talika sha fa osho uutoye nalago, ihe osho uuzigo tau li omwenyo sigo aluhe.

Ondjila onkwawo oyo ndjoka tayi ende mboka ye hole Kristus. Ihe ino kala we shi holekwa kutya, pethimbo ndika ondjila ndjika oyu udha oluhepo, uunkundi, okushekwa, okudhinwa nokutondwa.

Dhimbulukwa wo kutya omuunkundi omu na onkondo 2Kor.12:9,10.

Pamudhingoloko qwethimbo ndino omahongololo ito mana. Ope na iimaliwa, iihauto, oonguwo, esimano, omutumbo noonkondo dhopantu (dhopavi).

Ayihè mbyoka otayi hongolola ongaambyoka tayi kalelele.

Kuume kandje, dhimbulukwa nokutya oshiholekwa shelago oKristus 1Tim.3:16 neliko lyashili oKristus Fil.3:8.
S.V.V. Nambala

**To longekida tuu
Omukwetu 1983?
Mbesitela diva**

EhokolololyOshikethatumo shaailongi aakriste (SCM)

Elalakano lyoshiketha shika okukwatha noku-yambidhidha omutumwa Titus Namunyekwa no-shilonga she. Uuna tashi vulika, iimaliwa otayi vulu wo okulongithwa okulanda nokutuma Oombimbeli niinyolwa yopakriste.

Osho wo otayi vulu okulongithwa iilonga yilwe yetumo muAngola.

Titus Namunyekwa okwa kala oomvula odhindji oshilyo shEhangano lyaailongi aakriste nomuwiliki gwalyo miitayi; Oshigambo, Ongwediva no-mOshakati.

Okwa li wo omupehawiliki moshikandjo shEhangano ndika muNamibia (Regional vice Chairman):

Omumvo 1975, okwa yi koshilonga shetumo mu-Angola pamwe negumbo lye. Okwa li a longo ngaashi omulongi mosikola yOmbimbeli noyaa-vevangeliste mOshangalala.

Ngashingeyi okwa tumwa e ki ilonge osikola yuusita kuMakumira, Tanzania.

Otatu ya galikanenene ewiliko lyOmbepo Ondjapuki negameno moshilonga shika oshidhigu, ihe oshi na wo enyanyu olindji. Otatu inekele kutya otaa vulu okuninga Jesus omukwaniilwa moomwenyo dhoyendji.

Oshiketha osha totwa 1976 nosha gongele ngeyi:

1976 aailongi oya gongele R	72,95
1977 oya gongele	236,52
1978 oya gongele	620,14
1979 oya gongele	3535,60
1980 oya gongele	6548,68
1981 oya gongele	10711,00
1982 oya gongele	12330,05

Otatu pandula unene oshitayi shokOnehale, osha longo shili nuudhiginini oomvula odhindji. Oshetu pendutha. Nuumvo 1982 oya gongele R 2,195,00.

Oshitayi shokOngwediva ishewe, osha gongele oyindji yi thike R 5,555,55.

Mokuyalula kutya oshilyo kehe osha gandja shi thike peni, aailongi mOnandjokwe oya ka sindana R 9,00 pashilyo.

Osha kala oshikumitha kutse okutala nkene aailongi moosikola 18 nenge 20 ya hwama okugongelela etumo nonando yoyene oye li moluhepo. Ehalelo lyetu kuyo 2Kor. 2:14.

Else Witting
Omudhiginini gwiiniwe yaailongi

OMAHALA 2 MU ELOK GA YAPULILWA EVAANGELI



Egongalo lyaShitutuma
moshituthi shalyo
shedhiko lyegongalo.
Komeho okangundu
kaagundjuka taki imble
oshituthi. Oka li kamwe
koongundulwiimbo
odhindji dha longe-
kidhila oshituthi.

Natango omahala omape gaali mOngeleki ndjika, oga yoololelwa oshilonga sheuvitho lyevangeli ne-topolo lyOmasakramendi, Omayapuki.

Osha ningwa petameko lyaKotoba nuumvo.

Egongalo epe Oshitutuma, mOndonga, olya dhikwa 3.10.1982 mewiliko lyomutonatelishitayingeleki shoka, omusita Festus Ashipala.

Ondjakulwambinga yomOnaanda, Onkani, oya dhikilwe 10.10.1982 mewiliko lyomumbisofi Dr. Kleopas Dumeni naakwathi ye.

Onkani oyi li moshitayingeleki shUuninginino, ookilometa 30 muuzilombugantu wOnaanda.

Omutonatelishitayingeleki shoka, omusita Jason Amakutuwa nomusita gwegongalo lyaNaanda, Johannes Shifiona, ngoka e li wo omuyakullitonateli, oyo yamwe ya kala pamwe nomumbisofi meyakulo.

Okangeleka koondhopi dhevi, tamu gwanene apulakeni 150 lwaampoka, oka tungithwa mpoka komusita Andreas Kanhalelo. Oke ya pula ashike R 473,65 pamwe noonkondo dhawo adhihe.

Pahokololo lyomutonateli gwoshitayingeleki shoka, ehala otali tsikile natango nuukwatya wondjakulwambinga, sigo oongamba dha tendwa pambelewa.

Omukulupe Kanhalelo, nando oku li nokuli moshipundi shevululuko, oye ti inekelelwa natango eyakulo mpeyaka, pamwe nomukwathi gwe, omuyevangeliste Andreas Kayofa.

Mokugalukila koshitayingeleki shOndonga, egongalo Oshitutuma, ehala ndika olya tseyika shito Onathing moongamba dhOshigambo onliipa.

Okuza ihe 3.10.1982 osho lya tameke okuyalulilwa momusholondondo gwomagongalo 72 ga ELOK.

Omusita gwegongalo, Ihuhwa, otaa taamba ilongitho yUulalelo Uyapuki miikaha yomutonatelishitayingeleki. Ilongitho mbika oshitenga no-shiyaha, oya gandjwa omagano kegongalo limwe muSoomi, Aka Egongalo ndika oyo wo hali futile omutumwa mpaka Anna-Liisa Hirvela.



Tala kep. 5

Moshituthi shika shedhiko lyalyo, omusita omugundjuka lela, Tomas Ihuhwa, okwa langekwa wo pamautho komutonatelishitayingeleki, okulela egongalo ndyoka.

Pomimvo 1940 lwaampoka, aapagani pehala



Etungongeleki mOnankali, naantu ye ya koshituthi sheyapulo lyayo.

ndyoka oya longwa osikola yeshasho kunakusa Joel Ihuhwa, he yomusita Tomas.

Pahistoli, osho lya lukwa ngeyi, Oshitutuma, oshoka kali shi epe.

Edhiko lyehala lyeuvitho lyevangeli mOngeleki ndjika, oshituthi oshinene momadhiladhilo gaakwanegongalo.

Iitelekela iinene ohayi ningwa, aayenda ya simana ohaa hiywa okweeta omakundo, ondjokonona yehala ohayi ndjokononwa noondjimbo kadhi shi kuyalulwa, ohadhi longekidhwa.

Osho sha li nomiituthi mbika

Sebulon Ekandjo



Omufitaongalo Andreas Kanhalelo.

Mounyasha waye, okwa kala omukokoli weefuka, mefimbo loukulupe omukokoli weembuwa, osho omufitaongalo Absalom Hasheela, Hamushanga wOngeleki, a hokolola okukalamwenyo kwomukulupe, omufita Andreas Kanhalelo.

Tatekulu Kanhalelo, oshilonga shOngeleki okwe shi longwa pOmakango nopOmusheshe, fimbo ina ya nomofikola yOvamati.

Peedula 1930 noixupe, okwa kokola eefuka dou-shilo waUkwanyama, Eenhana nOmundaungilo omo a longwa konyala eedula 40.

MOnkani okwa ya mo 7.1.1977. "Eumbo lange lotete apa ololo," osho a ulikila nge omuti womunghanguti [omumbolombonga] wa fikama fiyo onena meumbo laye.

Ponghulo nao okwa tunga po ongulu inene ya uulikwa nomwiidi, i li mongadjo ya kula. Omo ha-

Tala kep. 6



Egongalo sho lya dhikwa, agehe gelongitho lyegongalo pamauthompango oge na wo okulongekidhwa. Methano mpaka omusita ote ga taamba miikaha yomutonatelishitayingeleki Ashipala.

DHA ZA KEP. 5

va di paife tava ka yakula ovakali monhele inya ya tetwa ko kounyuni wOwambo keekilometa dihapu.

Ofikola opo i li petameko, ito mono oshihakulilo, ofitola, ile opoosha. Omeva otaa monika noudjuu.

Ashike eenghedi davo fiyo onena, odOshiwambo lela, inadi hangulwa kwaasho hashi ufanwa ehonokomesho, oilya neengobe otai tane i dule oi-maliwa mombaanga.

Tatekulu Kanhalelo oilonga yaye penya ote i hokolola ngaha:



Omuti ou, olo eumbo lotete lomufitaongalo mOnkani.

EHISTOLI LEONGALO MONKANI

Aanashilonga yotango mehala ndyoka kaye shi okudhimbiwa yomadhina taga landula; Rut Samuel naAmbrosius Shivute.

Omumvo 1977 aantu 1903 oya gongala melongelokalunga. Uunona waakriste 16, owa shashwa naakuluntu 4. Osho 8 ya kolekwa.

Uunona mosikola owi indjipala sigo 107. Oongalo dha zi momalongelokalunga omumvo ngoka R 41,13. "Inaa igilila manga oohedhi dhomalongelokalunga," osho tatekulu Kanhalelo a ti.

Omumvo 1978 aantu 3272 ya gongalele, aanona yawo 26 ya shashwa, aakuluntu 11, ya kuthilwa 9 na 2 ya zi kOkatoolika. Ongalo R75,76 omumvo aguhe.

Omumvo 1979, aantu 3797 ya kala momalongelokalunga, aanona yawo ya shashwa 16 naakuluntu 4. Ongalo yu umbilwe R 128,67 momumvo.

Okwa ningwa wo etokolo enene pu tungwe etungo lyoshinagoga, tali tungwa oshali Yamwe po yowala ya ka nyanyudhwa etungo sho lya pu.

Omumvo 1980 kwa gongala aantu 3745 momumvo. Aanona ya shashwa 26, aakuluntu 15 naakuthilwa 2.

Kombinga yosikola yaanona, osho twa pewa omulongi omutitatu. Ongalo yomumvo ngoka R186,74.

Omumvo 1981, ondjala oya geye. Ando Kalunga ine tu dhimbulukwa, ando twa hulu po. Aantu oya dhimbulula shika noye ya poohapu dhaKalunga.

Aantu 4038 ya gongala omumvo ngoka. aanona yawo ya shashwa 26 nomukuluntu 1. Aakuthilwa 2.

Ongalo yomumvo ngoka R 169,00. Etungo lyOngeleki oye li gongelele R 233,57. Egongalo lyandjawa, Onaanda, olye ya kwatha R100,00, oshitayingeleki R344,00.

Iitungitha ye ya pula ashike R473,65 kumwe noonkondo dhawo nomaliko gawo ngoka ya longitha. Okahistoli noka hulu mpoka.



MBESITELA NZIYA OMUKWETU 1983

Edhina lyoye lya fa inaali thika natango mO-mbelewa yOmukwetu nenge inoo gandja edhi-ina lyoye komulongekidhi gwomadhina megonga-lo lyaandjeni?

Otii ku tsu omayele, endelega mbala oku shi ninga.

Tala, otatu longekidha ngashingeyi omalonge-kidho omanene, opo oshifo shoye shi kale tashi yamukula oompumbwe dhoje. Otatu kambadhala mushika.

Omalongekidhi ngaka, otage tu pula oshindjishi-ndji, ihe katu na konasha, oshoka otu shi shi oto tu yambidhidha kombinga yoye sho to tu tumine owala R 5,00 ngele ou li muNamibia, R 11,00 kombanda yomafuta.

Ngele owa hala oshifo shoye shi ende mondhila, tu tumina owala iimaliwa ya gwana, otatu shi ningi. R 13,00 kombanda yomafuta.

Udhitha ano ofooloma ndjika pevi, e to yi tu galulile mbala manga Desemba 1982 inaagu sa.

Omusamane Joel Akudhenga a galukile kuNamibia konima yoomwedhi konyala 10 sho a kala ta konakona iikwamashina muNeuende-ttelsau, West German.

Tate Akudhenga omupehawiliki gwOshinya-nyangidho shaElok. Omukwetu ote mu halele etameko ewanawa lyiilonga.



Omusamane Joel Akudhenga

Teta mpaka -----

EDHINA

OWADELESI

* Tumina ndje oshifo shOmukwetu 1983

* Eyalulo lyOmukwetu gwandje otali ka pwa ko mu 1983, nokonima ote ka tsikila natango.

(Nkwanuna okamusinda pushono wa pumbwa)

* Onda patela mo R --,c-- ofuto yomumvo.

KOmukwetu, Oniipa
P/Bag 2013,
Ondangwa, 9000

Teta mpaka -----

OMUTOPATOPI TA PUMBIWA

Ombelewa yONANDJOKWE LUTHERAN HOSPITAL, otayi pumbwa omumati nenge omukadhona e na onzapo yokutopatopa.

Na kale wo e shi okushanga Oshiwambo, Oshiingilisa nOshimbulu.

Ngoka e na ehalo lyoshilonga shika na ninge eindilo nenge a monathane nomukuluntu gwombelewa ndjika kondjukithi:

*Omudhiginini gwiiniwe
ONANDJOKWE LUTHERAN HOSPITAL
P. Bag 2016
Ondangwa
9000*

Naku galikanwe ishewe muNovomba 14

Oshigigongi shaambisofi yaKatolika kaRoma muumbugantu waAfrika, oyu utha esiku 14 Novomba 1982, ku ningwe omagalikano omolwonkalo yoshilongo shika.

Ehiyo olya ti kutya egalikano olya pumbiwa mo-lwiinima tayi landula:

- a) Ku shainwe cuvathano lyetulepo lyomatati, opo omahepeko nomadhipago ngoka ga humbatwa kAanamibia ga hulithwe po.
- b) Aakwiita ya SA ya thige po oshilongo.
- c) Nokugalikanena ombepo yombili noyuu-kumwe, mundjoka ayike oshilongo shika tashi vulu okumona emanguluko lyashili.

Ehiyo ndika sho inaali ngambekelwa omuhoko nenge eitaalo lyontumba, omuwilikingeleki gwa ELOK, ota indile wo omagongalo gOngeleki ndjika ga kale mombepo yimwe naamwayina-geleki yaKatolika, sigo Kalunga a yamukula pethimbo lye.

E TU FIYA PO

Omufiyekadi waShituwa, mEndola, mee-kulu Mirjam Hamunjela, okwa xulifa oweenda waye 27.10.1982, mepupi leedula 97. Ehistoli tala Omukwetu ta shikula.

Ehokololo laMax

Oikonekiwa molweendo

Ovanailonga 130 mopate pokati kaKatima-Mulilo naRundu, ove liningila eenhele dokwoongalela momiti. Otava ningi omambo nokuleshelafana Ondjovo yaKalunga.

Ove limanga kumwe mokati kOvalozi, ve na elaka li lili, ndele ovanambili.

Ongeleki yaKatolika kaRooma, oyo aike i li mo, oya nghundipala, osheshi ekwatafano layo na-Zimbabwe kali po vali. Ekwafo opo tali kongwa kOngeleki yaKatolika muNamibia.

Mwinya otamu hangika yo oimhanga ihapu, osho yo Ongeleki yEembulu (NGK).

Ovanailonga vetu ohava udu omambo kOngeleki yaAdventist. Oilyo yOngeleki yetu oya li i lwete oshiningwanima shinene, eshi ELOK e va talela po moshitukulwa osho shaCaprivi.

Olweendo ola xula konima yomafiku atano.

OMUKWETU

Oye oshifo shOngeleki Onkwaevangeli paLuther yomOwambokavango.

Ohashi nyanyangidhwa mOniipa.

Omukuiuntu gwoshifo omambisofi dr. Kleopas Dumeni, Amushanga gwoshifo omusita Sebulon Ekandjo

Ondando yoshifo komumvo muAfrika alihe R2,60. Kombanda yomafuta R5, 00, nondhila R6, 24.

Oondando nomambestelo agehe naga tumwe kOmukwetu, Oniipa, P.Bag 2013, Ondangwa, 9000

**EV. LUTH. OWAMBOKAVANGO CHURCH PRESS
PRIVATE BAG 2013, ONDANGWA 9000 SWA/NAMIBIA**